

Me takatū ki te rēhita me te pōti.



**ELECTORAL
COMMISSION**
TE KAITIAKI TAKE KŌWHIRI

He aha te take me rēhita ki te pōti?

Mēnā kua rēhita koe ki te pōti, ka whai reo koe i roto i ngā pōtitanga whānui, ngā pōtitanga ā-rohe me ngā tāpaetanga pōti. He whai wāhitanga ngā pōtitanga mōu ki te whakaputa whakaaro ko wai ka taunaki i ō take e kaingākauria ana e koe.

Ka mātua whakarite koe kia rongohia tō reo mā te rēhita ki te pōti.



Ko wai ka āhei ki te rēhita ki te pōti?

Me *mātua* rēhita koe mēnā:

- 18 ō tau, neke atu rānei, ā,
- he kirirarau koe nō Aotearoa, he kainoho pūmau rānei koe nō Aotearoa, ā,
- neke atu i te kotahi tau mau tonu i te iti rawa tō noho ki Aotearoa i tētahi wā.

Mēnā he Ahitereiriana koe, he Māori Kuki Airani, he Niuē, Tokerau rānei ka taea anake e koe te rēhita mēnā i noho pūmau koe ki Aotearoa mō te 12 marama.

Mēnā kei tāwāhi koe e noho ana ka taea e koe te rēhita ki te pōti mēnā:

- he kirirarau koe nō Aotearoa e noho ana i Aotearoa i roto i te toru tau kua taha ake nei, tērā rānei
- he kainoho pūmau koe nō Aotearoa e noho ana i Aotearoa i roto i te tekau mā rua marama kua taha ake nei.

Ka āhei koe ki te rēhita ina eke koe ki te 17 tau. Ina eke koe ki te 18 tau kua rēhita tonu noa koe, ā, ka āhei hoki ki te pōti.



Me pēhea taku rēhita?

He māmā te rēhita, te whakahou rānei i ō taipitopito. Ka taea e koe te:

- Haere ki **vote.nz** ka whakamahi i tō raihana taraiwa o Aotearoa, tō uruwhenua o Aotearoa rānei, tō tuakiri RealMe kua whakaūngia rānei hei rēhita tuihono
- Waea atu koreutu ki **0800 36 76 56** ka pātai atu kia tukuna tētahi puka rēhita ki a koe

Ina rēhita koe, ka uru tō ingoa ki te rārangi pōti. Me mātua uru koe ki te rārangi pōti ki te pōti.

Me whakahou e koe ō taipitopito i ia wā ka neke koe ki whare kē noho ai.



Te rēhita ki te pōti mēnā he Māori koe

Mēnā he uri Māori koe, ā, kei te rēhita koe mō te wā tuatahi, he kōwhiringa nui tāu hei tuku. Me whiriwhiri e koe ko tēhea te rārangi pōti e hiahia ana koe ki te eke atu: te rārangi pōti whānui, te rārangi pōti Māori.

Ka whai pānga tō kōwhiringa ko tēhea te rohe pōti ka pōti koe i te pōtitanga whānui.

Ki te kōwhiria e koe te rārangi whārangī, ka pōti koe mō tētahi kaitono i tētahi rohe pōti whānui. Ki te kōwhiri koe i te rārangi Māori, ka pōti koe mō tētahi kaitono i tētahi rohe pōti Māori. Ka āhei koe ki te pōti mō ngā rōpū tōrangapū ōrite ahakoa kei tēhea rārangi koe.

Ka whai pānga pea te rārangi pōti ka kōwhiria e koe ki te āhua o tō pōti i ngā pōtitanga ā-rohe. Mēnā kei runga koe i te rārangi Māori, ā, he rohe pōti Māori tō tō kaunihera ā-rohe, ka pōti koe mō tētahi kaitono i roto i te rohe pōti Māori.

Ki te huri ō whakaaro ina kōwhiria e koe tētahi rārangi (Māori, whānui rānei), ka taea e koe te whakawhiti rārangi i roto i te Kōwhiringa Pōti Māori, ka tū i ia 5 tau.



Kei te hiahia āwhina koe ki te rēhita?

Ka taea e koe te tono ki tētahi tangata e mōhio ana koe, pērā i tētahi hoa, he whanaunga rānei, te tono rānei ki tō kairēhita o ngā kaipōti i tō rohe rānei, ki te āwhina i a koe ki te whakaoti i tō pepa pōti, kia whakaotihia rānei te puka mōu.

Me waitohu e koe te puka.

Mēnā kei te mōhio koe ki tētahi tangata kāore e taea e ia te whakaoti me te waitohu tana puka rēhita nā tētahi waimaero hinengaro, tinana hoki, ka taea pea e koe ia te āwhina.

Haere ki **vote.nz** ki te rapu kōrero atu anō mō te āwhina i tētahi atu ki te rēhita ki te pōti.



Kei te māharahara mō tō haumaruru?

Mēnā kei te māharahara mō tō haumaruru, mō te haumaruru o tō whānau rānei, ka taea e koe te tono kia eke koe ki te rārangi huna matatapu. Ka puritia kia noho tapu ō taipitopito rēhita, ā, kāore e tukuna atu ki te tangata.

Me kōrero ki tō kairēhita o ngā kaipōti i tō rohe, haere ki **vote.nz**, waea rānei ki **0800 36 76 56** mō ētahi atu kōrero me tētahi puka tono hoki.



Kei te hiahia kōrero atu anō koe?

Mō ētahi atu kōrero mō te rēhita me te pōti:

- Haere ki **vote.nz**
- Haere ki **facebook.com/VoteNZ**

E wātea ana ngā kōrero mō te rēhita me te pōti i roto i ngā reo 27 i **vote.nz**



**ELECTORAL
COMMISSION**
TE KAITIAKI TAKE KŌWHIRI